

Mirsad Čamdžić, zastupnik Naše stranke
u Zastupničkom domu Parlamenta Federacije Bosne i Hercegovine

Vibor Handžić, delegat Naše stranke
u Domu naroda Parlamenta Federacije Bosne i Hercegovine

Sarajevo, 21.04.2021.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO x15

Priljeno: 20-04-2021			
Org. jed.	Broj	Priloga	Vrijednost
01,02	-02-	971	21

Dostaviti:

BOSNA I HERCEGOVINA
FEDERACIJA BOSNA I HERCEGOVINA
Parlament Federacije BiH – Predstavnički dom
n/r g. Mirsad Zaimović, predsjedavajući
Parlament Federacije BiH – Dom naroda
n/r g. Tomislav Martinović, predsjedatelj

Uputiti:

Vlada Federacije Bosne i Hercegovine
Zakonodavno-pravna komisija i nadležne komisije

Na osnovu člana 179, a u vezi sa članom 163. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20) i člana 164. a u vezi sa članom 172. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03,21/09 i 24/20) radi razmatranja i usvajanja po skraćenom postupku, podnosimo **PRIJEDLOG ZAKONA O IZMJENI ZAKONA O EVIDENCIJAMA U OBLASTI ZDRAVSTVA**

Obrazloženje prijedloga da se Prijedlog zakona razmatra i donese po skraćenom postupku:

Budući da se radi o Zakonu koji nije složen i obiman, predlažemo da se Prijedlog Zakona razmatra i donese po skraćenom postupku u skladu sa članom 172. Poslovnika Predstavničkog doma Parlamenta Federacije Bosne i Hercegovine i članom 164. Poslovnika o radu Doma naroda Parlamenta Federacije Bosne i Hercegovine.

Mirsad Čamdžić

Zastupnik u Predstavničkom domu Parlamenta Federacije BiH

Vibor Handžić

Delegat u Domu naroda Parlamenta Federacije Bosne i Hercegovine

PRIJEDLOG

**ZAKON O IZMJENI ZAKONA O EVIDENCIJAMA U OBLASTI
ZDRAVSTVA**

Sarajevo, april 2021. godine

ZAKON O IZMJENI ZAKONA O EVIDENCIJAMA U OBLASTI ZDRAVSTVA

Član 1.

U Članu 6. stav (2) riječ „i“ mijenja se riječju „ili“, pa član 6. stav (2) treba glasiti:

„Subjekti iz stava 1. ovog člana smatraju se izvještajnim jedinicama koje su dužne voditi evidencije u pisanoj i ili elektronskoj formi i u propisanim rokovima dostavljati individualne, zbirne i periodične izvještaje nadležnom zavodu za javno zdravstvo, kao i drugim institucijama na način propisan Programom provođenja statističkih istraživanja od interesa za Federaciju Bosne i Hercegovine, kao i Planom provođenja statističkih istraživanja od interesa za Federaciju Bosne i Hercegovine za budžetsku godinu (u daljnjem tekstu: Plan i Program statističkih istraživanja od interesa za Federaciju Bosne i Hercegovine) u skladu sa Zakonom o statistici u Federaciji Bosne i Hercegovine.“

Član 2.

Ovaj zakon stupa na snagu osmog dana od dana objave u „Službenim novinama Federacije BiH“.

I - USTAVNI OSNOV

Ustavni osnov za donošenje ovog zakona sadržan je u članu IV.A.20.(1) d Ustava Federacije Bosne i Hercegovine, kojim je propisano da je Parlament FBiH nadležan za donošenje Zakona o vršenju funkcije federalne vlasti.

Ustavnopravni osnov za donošenje ovoga zakona je utvrđen prilikom njegovog prvog usvajanja.

II – RAZLOZI ZA DONOŠENJE

S obzirom da mnoge zdravstvene ustanove već imaju mogućnost da podatke upisuju elektronski, uvođenjem opcije "ili" ljekarima bi se omogućio izbor da podatke upisuju na jedan ili drugi način, odnosno pisano ili elektronski.

Trenutno nije jasno ostavljena mogućnost da ljekari podatke mogu upisivati i elektronski. Ova izmjena predstavlja pravnu zaštitu za ljekare.

III – OBRAZLOŽENJE PREDLOŽENIH PRAVNIH RJEŠENJA

Članom 1. ljekarima se daje mogućnost da podatke upisuju elektronski ili pismeno.

Članom 2. je precizirano da zakon stupa na snagu osmog dana od dana objavljivanja u „Službenim novinama Federacije BiH“.

IV – FINANSIJSKA SREDSTVA

Za provođenje ovog zakona nije potrebno osigurati dodatna sredstva u Budžetu Federacije Bosne i Hercegovine.

Zakon o evidencijama u oblasti zdravstva ("Službene novine Federacije BiH", br. 37/12)

Odredbe posotojećeg zakona koje se dopunjuju ili mijenjaju


Član 6.

Zdravstvene ustanove i nosioci privatne prakse kao i druga pravna i fizička lica koja u okviru svoje djelatnosti obavljaju poslove iz oblasti zdravstva dužni su voditi evidencije u skladu sa ovim zakonom, propisima donesenim na osnovu ovog zakona, kao i Zakonom o zdravstvenoj zaštiti ("Službene novine Federacije BiH", broj 46/10).


Subjekti iz stava 1. ovog člana smatraju se izvještajnim jedinicama koje su dužne voditi evidencije u pisanoj i elektronskoj formi i u propisanim rokovima dostavljati individualne, zbirne i periodične izvještaje nadležnom zavodu za javno zdravstvo, kao i drugim institucijama na način propisan Programom provođenja statističkih istraživanja od interesa za Federaciju Bosne i Hercegovine, kao i Planom provođenja statističkih istraživanja od interesa za Federaciju Bosne i Hercegovine za budžetsku godinu (u daljnjem tekstu: Plan i Program statističkih istraživanja od interesa za Federaciju Bosne i Hercegovine) u skladu sa Zakonom o statistici u Federaciji Bosne i Hercegovine.

Subjekti iz stava 1. ovog člana dužni su voditi i evidencije iz oblasti zdravstvenog osiguranja i dostavljati ih nadležnom zavodu za zdravstveno osiguranje u skladu sa ovim zakonom, propisima donesenim na osnovu ovog zakona, kao i Zakonom o zdravstvenoj zaštiti i Zakonom o zdravstvenom osiguranju ("Službene novine Federacije BiH", br. 30/97, 7/02, 70/08 i 48/11).

S poštovanjem,



Mirsad Čamdžić



Vibor Handžić